

**ՀՖՖ Ֆուտբոլիստների կարգավիճակի և տեղափոխության կանոնակարգում
մարզումային փոխհատուցմանն ու մարզումային կարգերին առնչվող
փոփոխություններ**

Հավելված 4 Հոդված 2¹

Հոդվածում ավելացել են 3-րդ և 4-րդ կետերը՝ շարադրված հետևյալ բովանդակությամբ՝

Հոդված 2¹. Ներքին տեղափոխության դեպքում պրոֆեսիոնալ ֆուտբոլիստի մարզումային փոխհատուցման վճարումը

1. Մարզումային փոխհատուցում պետք է վճարվի պրոֆեսիոնալ ֆուտբոլիստին մարզած, կրթած ակումբին (ակումբներին)՝

ա) եթե ֆուտբոլիստը ստորագրում է իր առաջին պրոֆեսիոնալ պայմանագիրը, բ) երբ պրոֆեսիոնալ ֆուտբոլիստը տեղափոխվում է մի ակումբից մյուսը (պայմանագրի ընթացքում կամ ավարտից հետո) մինչև իր 23 տարեկանը լրանալու մրցաշրջանի ավարտը:

2. Պրոֆեսիոնալ ֆուտբոլիստի համար մարզումային փոխհատուցում չի վճարվում՝

ա) եթե նախկին ակումբն առանց որևէ հիմնավոր դրդապատճառի խզել է պայմանագիրը (պահպանվում են նախորդ ակումբի իրավունքները),

բ) եթե ֆուտբոլիստը տեղափոխվում է 4-րդ կարգի ակումբ,

գ) եթե պրոֆեսիոնալ ֆուտբոլիստը տեղափոխվելիս կրկին ստանում է սիրողական կարգավիճակ,

դ) եթե պրոֆեսիոնալ ֆուտբոլիստը տեղափոխվում է այլ ակումբ իր 23 տարեկանը լրանալու մրցաշրջանի ավարտից հետո,

ե) եթե պրոֆեսիոնալ ֆուտբոլիստը չի մասնակցել կազմակերպված ֆուտբոլին տեղափոխությանը նախորդող առնվազն երկու մրցաշրջանների ընթացքում (միայն ներքին տեղափոխությունների դեպքում):

զ) եթե ֆուտբոլիստը տեղափոխվում է մեկ ակումբից մյուսը պարտադիր գինձառայության մեջ գտնվելու ժամանակահատվածում:

3. Այն դեպքերում, երբ ֆուտբոլիստը սիրողական կարգավիճակով նախկին ակումբից տեղափոխվում է նոր ակումբ (որի ժամանակ նոր ակումբը վճարում է նախկին ակումբին հասանելիք մարզումային փոխհատուցումը) և իր առաջին պրոֆեսիոնալ պայմանագիրն է կնքում տվյալ նոր ակումբի հետ, ապա նոր ակումբը նախկին ակումբին չի վճարում առաջին պրոֆեսիոնալ պայմանագրի

կնքմամբ պայմանավորված մարզումային փոխհատուցումը՝ կրկնակի վճարումից խուսափելու նպատակով:

4. ՀՖՖ-ի Վեճերի լուծման պալատը շահագրգիռ անձանց դիմումի հիման վրա իրավասու է քննել և ներքին տեղափոխությունների մարզումային կարգերի նվազագույն դրույքաչափով (տե՛ս Հավելված 7-ի 2-րդ սանդղակը) սահմանել այն ակումբների մարզումային փոխհատուցումները, որոնց նախաձեռնությամբ լուծվել է իրենց ակումբում մարզված պրոֆեսիոնալ ֆուտբոլիստի հետ պայմանագիրը, բացառությամբ այն դեպքերի, երբ տվյալ հրաժարումը պայմանավորված է պրոֆեսիոնալ ֆուտբոլիստի ոչ մարզական կամ այլ անթույլատրելի վարքագծով: Սույն կետով նախատեսված հանգամանքների ապացուցման բեռը կրում է համապատասխան հանգամանքները վկայակոչող կողմը:

Հավելված 4 Հոդված 3

Հոդվածում ավելացել է 6-րդ կետը՝ շարադրված հետևյալ բովանդակությամբ՝

Հոդված 3. Ներքին տեղափոխության դեպքում սիրողական ֆուտբոլիստի մարզումային փոխհատուցման վճարումը

1. Ներքին տեղափոխության դեպքում մարզումային փոխհատուցում պետք է վճարվի 12 տարին լրացած սիրողական ֆուտբոլիստին մարզած, կրթած ակումբին (ակումբներին)՝
 - ա) եթե սիրողական ֆուտբոլիստը փոխում է իր կարգավիճակը (դառնում է պրոֆեսիոնալ),
 - բ) երբ սիրողական ֆուտբոլիստը տեղափոխվում է մի ակումբից մյուսը, մինչև իր 23 տարեկանը լրանալու մրցաշրջանի ավարտը:
2. Սիրողական ֆուտբոլիստի համար մարզումային փոխհատուցում չի վճարվում՝
 - ա) եթե ֆուտբոլիստի 12 տարին չի լրացել,
 - բ) եթե ֆուտբոլիստը տեղափոխվում է 4-րդ կարգի ակումբ,
 - գ) եթե ֆուտբոլիստը չի մասնակցել կազմակերպված ֆուտբոլին տեղափոխությանը նախորդող առնվազն երկու մրցաշրջանների ընթացքում,
 - դ) եթե ֆուտբոլիստը տեղափոխվում է այլ ակումբ իր 23 տարեկանը լրանալու տարեդարձի մրցաշրջանի ավարտից հետո (նույնիսկ իր առաջին պրոֆեսիոնալ պայմանագիրը ստորագրելու դեպքում):

3. Սիրողական ֆուտբոլիստի համար մարզումային փոխհատուցում վճարվում է՝ անկախ այն հանգամանքից, թե տեղափոխությունը կատարվել է սիրողական ֆուտբոլիստի և/կամ ակումբի նախաձեռնությամբ:
4. Սիրողական ֆուտբոլիստի մարզումային փոխհատուցումը վճարելու պարտավորությունը որևէ պատճառաբանությամբ չի կարող դրվել նրա ծնողների և/կամ երրորդ անձի վրա:
5. Առանձին դեպքերում, երբ սիրողական ֆուտբոլիստի տեղափոխությունը հետևանք է նախկին ակումբի կողմից ոչ մարզական, հակամանկավարժական և այլ անթույլատրելի դրսևորումների, ՀՖՖ-ի Վեճերի լուծման պալատը իրավասու է որոշում կայացնելու մարզումային փոխհատուցում չվճարելու վերաբերյալ:
6. ՀՖՖ-ի Վեճերի լուծման պալատը շահագրգիռ անձանց դիմումի հիման վրա իրավասու է քննել և ներքին տեղափոխությունների մարզումային կարգերի նվազագույն դրույքաչափով (տե՛ս Հավելված 7-ի 2-րդ սանդղակը) սահմանել այն ակումբների մարզումային փոխհատուցումները, որոնք իրենց նախաձեռնությամբ հրաժարվել են իրենց ակումբում մարզված սիրողական ֆուտբոլիստների ֆուտբոլային ծառայություններից, բացառությամբ այն դեպքերի, երբ տվյալ հրաժարումը պայմանավորված է սիրողական ֆուտբոլիստի ոչ մարզական կամ այլ անթույլատրելի վարքագծի հետ: Սույն կետով նախատեսված հանգամանքների ապացուցման բեռը կրում է համապատասխան հանգամանքները վկայակոչող կողմը:

Հավելված 4 Հոդված 5

Հոդվածը վերաձևակերպվել և շարադրվել է հետևյալ բովանդակությամբ՝

Հոդված 5. *Մարզումային ծախսեր*

1. Ֆուտբոլիստի մարզման և ուսուցման համար կատարված ներդրումների փոխհատուցման հաշվարկը կատարելու համար ասոցիացիան իր ակումբները դասակարգում է 4 միջազգային կարգերի՝ համաձայն ֆուտբոլիստների մարզման համար ակումբի կողմից կատարված ֆինանսական ներդրումների: Մարզումային ծախսերը սահմանվում են ըստ կարգերի և համապատասխանում են տարվա կտրվածքով մեկ ֆուտբոլիստի վրա կատարած ուղղակի ներդրումները բազմապատկելով «ֆուտբոլիստի գործոն»-ի միջին հաշվարկով: «Ֆուտբոլիստի գործոն»-ը ընդհանուր մարզվողների և պատրաստված պրոֆեսիոնալ ֆուտբոլիստների քանակի հարաբերակցությունն է: Այլ կերպ ասած՝ տարեկան մարզումային ծախսերը

հաշվարկվում են ակումբի մանկապատանեկան բյուջեի և մարզվող ֆուտբոլիստներից պատրաստված պրոֆեսիոնալ ֆուտբոլիստների քանակի հարաբերակցությամբ:

2. Միջազգային տրանսֆերի դեպքում մարզումային փոխհատուցումը հաշվարկելու նպատակով ակումբները, ըստ մարզումային ծախսերի, ՖԻՖԱ-ի կողմից դասակարգված են 4 կարգերի, որը հրապարակված է ՖԻՖԱ-ի վեբկայքում և սույն կանոնակարգի 7-րդ հավելվածում: Ակումբների միջազգային կարգերը նորացվում են յուրաքանչյուր տարվա վերջում: Ասոցիացիաները պարտավոր են պարբերաբար նորացնել ՏՀՀ մուտքագրած իրենց ակումբների մարզումային կարգերը:
3. Ներքին տեղափոխությունների համար ՀՖՖ ակումբները, ըստ մարզումային ծախսերի (դրույքաչափերի), ՀՖՖ-ի կողմից դասակարգված են ևս 4 կարգերի, որը նույնպես հրապարակված է սույն կանոնակարգի Հավելված 7-ում:
4. ՀՀ Բարձրագույն խմբի (ՀՀ ԲԽ) առաջնությունում հանդես եկող ակումբները ստանում են 1-ին կարգ: ՀՀ ԲԽ առաջնությանը մասնակցության իրավունք ձեռք բերած ակումբն ի սկզբանե ստանում է 2-րդ կարգ: 1 տարի շարունակ ՀՀ ԲԽ-ում հանդես գալու պարագայում տվյալ ակումբը (ակումբները) ձեռք է բերում 1-ին կարգ: ՀՀ Առաջին խմբի առաջնությունում հանդես եկող ակումբները, ինչպես նաև ՀՖՖ ենթակայության տակ գտնվող ակադեմիաները և/կամ ֆուտբոլի դպրոցները (Ավանի և Վաղարշապատի ակադեմիաներ) ստանում են 2-րդ կարգ: Այն ակումբը, որը մրցաշրջանի արդյունքներով, մարզական չափանիշներով դուրս է մնում Բարձրագույն խմբից և հայտնվում է Առաջին խմբում, շարունակում է պահպանել իր 1-ին կարգը: Առաջին խմբում 1 տարի և ավելի մնալու դեպքում վերջինիս կարգը դառնում է 2-րդ: Այն մարզադպրոցները, ֆուտբոլային դպրոցները և/կամ հաստատությունները, որոնք ունեն 4-ից ավելի մանկապատանեկան թիմեր, ձեռք են բերում 3-րդ կարգ: Այն մարզադպրոցները, ֆուտբոլային դպրոցները և/կամ հաստատությունները, որոնց մանկապատանեկան թիմերի քանակը չի գերազանցում 4-ը, ստանում են 4-րդ կարգ:
5. Ակումբը, որը 3 տարի շարունակ չի զբաղվել կազմակերպված ֆուտբոլով, կորցնում է իր կարգը: Վերջինիս կարգը հանվում է ՀՖՖ գրանցումից և այդ ակումբում գրանցված ֆուտբոլիստների համար մարզումային փոխհատուցում չի վճարվում:

Հավելված 7-ում սահմանվել է ներքին տեղափոխությունների ժամանակ մարզումային փոխհատուցման հաշվարկի 2 տարբեր սանդղակ:

Փոփոխվել է «ՀՖՖ Ակուրմների կարգերը» սանդղակը

ՀԱՎԵԼՎԱԾ 7.

ՀՖՖ Ակուրմների կարգերը

Ակուրմի անվանումը	կարգը	
	Միջազգային տրանսֆեր	Ներքին տեղափոխություն
«Փյունիկ» ՖԱ ՀԿ	3	1
«Ուրարտու» ՖԱ	3	1
«Ալաշկերտ» ՖԱ	3	1
«Շիրակ» ՖԱ	3	1
«Արարատ» ՖԱ	4	1
«Գանձասար-Կապան» ՖԱ	4	1
«Նոա» ՖԱ	4	1
«Վանաձորի ֆուտբոլի ակադեմիա» ՀԿ	4	1
«Արարատ-Արմենիա» ՖԱ	3	1
«ՖԱ Վան»	4	2
«ՖԱ Վեստ Արմենիա» ՀԿ	4	2
«Սևան» ՖԱ	4	2
«Լեռնային Արցախ» ՖԱ ՍՊԸ	4	2
«ՀՀ ՊՆ Վազգեն Սարգսյանի անվան ռազմական համալսարան»	4	2
Մարզադպրոցներ, ֆուտբոլային դպրոցներ և/կամ հաստատություններ, որոնք ունեն 4-ից ավելի մանկապատանեկան թիմեր	4	3
Մնացած բոլոր ակուրմները, մարզադպրոցները, ֆուտբոլային դպրոցները և/կամ հաստատությունները	4	4

Մարզումային փոխհատուցման տարեկան դրույքաչափերը՝ ըստ կարգերի

Ակումբի կարգը	Միջազգային տրանսֆեր (եվրո)	Ներքին տեղափոխություն, 1-ին սանդղակ (դրամ)
1-ին կարգ	90 000	500 000
2-րդ կարգ	60 000	300 000
3-րդ կարգ	30 000	100 000
4-րդ կարգ	10 000	40 000

Ֆուտբոլիստների ներքին տեղափոխության ժամանակ մարզումային փոխհատուցման տարեկան դրույքաչափերը՝ սահմանված այն դեպքերի համար, երբ ակումբները իրենց նախաձեռնությամբ լուծում են իրենց մարզած պրոֆեսիոնալ ֆուտբոլիստի հետ պայմանագիրը և/կամ հրաժարվում իրենց մարզած սիրողական ֆուտբոլիստի ծառայություններից:

Ակումբի կարգը	Ներքին տեղափոխություն, 2-րդ սանդղակ (դրամ)
1-ին կարգ	80 000
2-րդ կարգ	60 000
3-րդ կարգ	40 000
4-րդ կարգ	20 000